



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIÁL

*Komunikadu Imprensa*

**04 Feveiru 2013**

## **JSMP Públikamente Anusia ba Públiku VSS sai Organizasaun Independente ho Naran ALFeLa**

Iha 01 Febreiru 2013 JSMP públikamente anusia ba públiku katak ninia unidade ida ho naran Victim Support Service (VSS) transforma ba organizasaun independente ho naran Asisténsia Legál ba Feto no Labarik (ALFeLa).

Seremoni ne'e hala'o iha Salaun JSMP, Kolmera no hetan partisipasaun husi parseirus JSMP sira ne'ebé durante ne'e servisu hamutuk ho JSMP. Partisipantes sira ne'e mai husi instituisaun diferente hanesan Governu, autór judisiáriu, ONG lokál no Internasionál, doadóres inklui mos media sira.

Unidade VSS estabelese iha 2005 liu husi peskiza ida ne'ebé maka Unidade Women Justice Unit (WJU) halo iha 2004, lansa relatóriu rua nomos halo workshop sira kona-ba direitu feto nia direitu iha sistema justisa formál iha Timor Leste. Peskiza ida ne'e konklui katak feto sira hetan dezafiu barak bainhira koko atu asesu ba justisa no rekomenda katak presiza hari'i organizasaun apoiu legál ba feto iha Timor Leste.

Iha workshop sira ne'e, partisipantes husi parseirus sira ka *stakeholder* sira diskute opsaun oi-oin no ikus mai deside katak opsaun diak liu maka atu hari'i unidade apoiu legál ba feto no labarik ne'ebé maka sai vítima ba krime, iha JSMP nia laran.

Iha Abril 2005 JSMP hari'i unidade apoiu legál ba vítima (Victim Support Service VSS) hari'i ho natureza tranzitório iha JSMP nia okos. VSS nia objetivu maka atu fornese apoiu legál ba feto no labarik iha Timor Leste ne'ebé maka hetan krime violénsia doméstika, violasaun seksuál no violénsia bazeia ba jéneru atu sira bele asesu ba sistema justisa formál.

"Transformasaun unidade VSS ba organizasaun independente, ne'e nu'udár pasu importante ida hodi kontribui no hametin sistema justisa iha Timor Leste liu husi dalan fo apoiu asisténsia legál ba vítima feto no labarik ne'ebé afeta husi violénsia doméstika, violasaun seksuál no violénsia bazeia ba jéneru" dehan Diretór ezekutivu JSMP, Luis de Oliveira Sampaio

Durante tinan 7 nia laran VSS hetan apoiu finanseiru husi doadór sira hanesan USAID liu husi The Asia Foundation, AUSAID liu husi Justice Facility no United Nation Population and Fund (UNFPA) no parseiru sira, hodi bele aumenta kapasidade legál no manajementu ba staff VSS nian.

Lansamentu ida ne'e realize tanbá hetan tulun finaseiru liu husi Justica Fasility, UNFPA no The Asia Foundation

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

Landline3323883

[www.jsmp.tl](http://www.jsmp.tl)